



NUNAVUMI PARNAIYAIYIT KAMISIUYUQ – TUHAYAKHALIQIYINUT TUNIHJUT

June 23-mi 2016-mi, Iqalukni, Nunavumi: Nunavumi Parnaiyaiyit Kamisiuyuq, quviahuktut uqariamikni una kiguliq Titiraqaaqhimaniga Nunavumi Nunanik Atuqnginut Upalugaiyaut qahakhiyuq qaritauyami qungialiuraptikni uvani: <http://www.nunavut.ca/en/draft-plan>.

Taja qahaktuq qaritauyami Qavlunaatut qahaqhiniarivuuq Inuinaqtut, Inuktitut, French-titulu July-mi. Ajikutait nuuptiqhimayut makpiraat tuniuqhaktauyukhanik Kamisiuyumit August-mi.

Titiraqaaqhimayuuq Nunavumi Nunani Atuqngigagut Upalugaiyaut havaaq agiyumik uqaqtiriigutinit ilaqaqtumik 25-nik Nunavumi nunagiyayunik malruiqtuqhugit ikiniqhani. Naalaktaaraptigit inuit Nunavumit, gavamanit, hanaviuyuni ilaayunit ahiinilu ilaayumayunik ikayuqtiirinit ilaalu Itqiliqnit Tunuunganiitunit Manitoba-mi Saskatchewan-milu, Inuit Ukiuqtaqtuanit Quebec-mi, Titiraqaaqhimayuuq Nunavumi Nunanik Atuqngigagut Upalugaiyaunmik pipkaijutaayuuq naunaitunik maliruakhanik qanuq ihuaqutit atuqtauniginik pivalianigilu Nunavumi Nunataaqviuyumi Nunami.

Titiraqaaqhimayuuq Nunavumi Nunanik Atuqngigagut Upalugaiyaut pijutaayuuq munariyaagani Tuktut nuriviit kiguanilu nuritaaqtilugit nunagiyayut ihumaluknaqtulu tikmijat nunagiyait; tikuaqhiyuq igilraat hikumi apqutait naunaitunik munarijutinut ihuaqutiqaqhutik munariyaagani ukua, nunat uyaraqtaqviulaaqtut, ukualu nunat pulaaqtunit hulilugaaqviulaaqtut. Titiraqaaqhimayuuq Upalugaiyaut pijutaayuuq Nunavumiut nipiqariagani ihumaliuriami hivunikhamik pivalianiganik Nunavumi Nunataaqviuyumi Nunami nunanik atuqngigagut upalugaiyainigani.

Sharon Ehaloak, Tukimuaktitii Nunavumi Parnaiyaiyit Kamisiuyumi, ilagiaqtiituuq “Piquyayumik Kamisinauyunit, Kamisiuyuuq akhuqhaiyut tamainik nunagiyayuniitunik, upalugaiyainikut ikayuqtiinik ahiiniklu ilaayumayunik inuknik aturiagani pivikhaqarutaayuuq ilaayaagani hivunihijutikhanik katimanigini uvuuna kigulimik titiraqngiganik Kiguliuyuuq Upalugaiyautit”.

Kiguliq inuknit Hivunihijutikhanik Katimajutit Titiraqaaqhimayumik Nunavumi Nunanik Atuqngigagut Upalugaiyaut atuliqniaqtut ukiakharuqat talvani ukiumi, ihulilviqaqlutik Inuit Nalaqvikhaanik upalugaiyagayumik March-mi 2017-mi Iqalukni, Nunavumi, manikhaakhat qahakpata.

Hivunihivaalirumaguvit uqaqtirijavat:

Sharon Ehaloak, Tukimuaktitii, uvani sehaloak@nunavut.ca

Ukuniga Nunavumi Parnaiyaiyit Kamisiuyuuq:

Nunavumi Paqnaiyaiyit Kamisiuyuuq Havakviuyuuq Inuknit Kavamanit hatqitqitauyuuq Nunavumi Nunataaqnikut Agiqatiriigunmit (NLCA). Munariqataayuuq timiuyuuq ajikutaqagitunik ataniqtuijutinik ihumaliurutikhaniklu havaanik munariyaayunik ilagani NLCA-m Kamisiyayut tikuaqtauhimavlutik Nunavut Tungavitkunit, pigahunit Nunani Inuit Katimayiiit, Kavamanit Kanatami, Kavamanilu Nunavumit. Kamisiuyuuq uqaqtiqaqpaqtut kavamanik, Inuit Timigiyanik amigaituniklu ahiinik timiuyunik kihiani Kamisiuyuuq havaaga kigulimik ihumaliuriami qanuq nunanik atuqngigagut upalugaiyautit pivalianigit qanuqlu upalugaiyautit munarijutauniamagaa nunanik Nunavumi Nunataaqnikut Nunami. Ukua ihumaliurutaataqata upalugaiyautit tuyuutaavaktut Nunavut Tungavitkunut Kavamanulu agiqtauyaagani.